

**Razvojna banka Federacije
Bosne i Hercegovine
v.d. Predsjednik Uprave**

Broj: 3378-III/25
Sarajevo, 24.03.2025. godine

Na osnovu člana 20. Statuta Razvojne banke Federacije Bosne i Hercegovine, Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, a u vezi odredbi člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 3335-XI/25 od 21.03.2025. godine, v.d. Predsjednik Uprave Razvojne banke Federacije BiH donosi

ODLUKU
o izboru najpovoljnijeg ponuđača u postupku javne nabavke
„Usluge održavanja i tehničke podrške jezgru informacionog sistema”
za potrebe Razvojne banke Federacije BiH

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 3335-XI/25 od 21.03.2025. godine i okvirni sporazum za nabavku "Usluge održavanja i tehničke podrške jezgru informacionog sistema" za potrebe Razvojne banke Federacije BiH dodjeljuje se ponuđaču PING d.o.o. Sarajevo, ul. Jukićeva 36, 71000 Sarajevo, kao najpovoljnijem ponuđaču putem otvorenog postupka javne nabavke.

Član 2.

Ukupna ponuđena cijena usluga iz člana 1. ove Odluke, iznosi 329.996,00 KM bez PDV-a, što u konačnici, sa uračunatim PDV-om iznosi 386.095,32 KM.

Član 3.

Nakon isteka roka za žalbu, okvirni sporazum će se zaključiti sa izabranim ponuđačem u ukupnoj vrijednosti od 329.996,00 KM bez PDV-a, na period od 24 (dvadesetčetiri) mjeseca, u skladu sa uslovima i kriterijima utvrđenim u obavještenju o nabavci i tenderskoj dokumentaciji.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu Odluku na svojoj web stranici www.rfbih.ba, istovremeno s upućivanjem iste ponuđaču koji je sudjelovao u ovom postupku.

Član 5.

Ova Odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom broj: 2171-III/25 od 25.02.2025. godine, pokrenut je postupak javne nabavke "Usluge održavanja i tehničke podrške jezgru informacionog sistema" za potrebe Razvojne banke Federacije BiH. Javna nabavka je provedena putem otvorenog postupka, a kriterij za dodjelu ugovora je najniža cijena.

Procijenjena vrijednost javne nabavke iznosi 330.000,00 KM bez PDV-a.

Obavještenje o nabavci predmetne usluge objavljeno je na Portalu javnih nabavki dana 27.02.2025. godine, broj obavještenja: 1011-1-2-49-3-26/25 (objava u „Službenom glasniku BiH“ broj: 13/25 od 21.02.2025. godine).

Tenderska dokumentacija objavljena je zajedno sa navedenim obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 1763-III/25 od 14.02.2025. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke je u okviru svojih nadležnosti i ovlaštenja provela predmetni postupak javne nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda, u kojem je utvrđeno da je pravovremeno pristigla 1 (jedna) ponuda i to od ponuđača PING d.o.o. Sarajevo, Jukićeva 36, 71000 Sarajevo.

Na osnovu izvršene analize i ocjene pristigle ponude, Komisija je utvrdila da je dostavljena ponuda prihvatljiva, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude u skladu sa kriterijima iz tenderske dokumentacije.

S obzirom da ukupna cijena ponude iznosi 329.996,00 KM bez PDV-a, Ugovorni organ će na ovaj iznos zaključiti okvirni sporazum na period od 24 (dvadesetčetiri) mjeseca sa ponuđačem PING d.o.o. Sarajevo, Jukićeva 36, 71000 Sarajevo.

Imajući u vidu sve prethodno navedeno, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. Predsjednik Uprave


Borislav Trlin

Dostaviti:

- Učesniku u postupku.